

明

史

明史卷二百六十七

列傳百十八

喬宇

孫交

彭澤

林

俊
韓邦問
張嶽

子達

陶琰

喬宇字希大山西樂平人祖毅工部左侍郎父鳳職方郎中皆以清節顯宇少從父京師受學於楊一清成化二十年登進士復從李東陽遊為古文詞有名已授禮部主事弘治初王恕為吏部調之文選三遷至部中門無私謁權太常少卿武宗嗣位遣祀中鎮西海還朝以道中所見軍民困苦條為六事上之多採納已遷光祿卿歷戶部左右侍郎劉瑾敗大臣多

以黨附見劾宇獨矜然無染正德六年拜南京禮部
尚書乾清宮災率同列上言曰按五行傳王者信道
不篤譏夫昌邪勝正則火燭宮室京房易傳曰君不
思道厥妖火燒宮近年以來陛下視朝不勤經筵久
輟國本未建義子猥多番僧留處禁寺優伶得侍起
居皇店既立載路靡咨邊兵見留馳情戰鬪在北則
土木繁興在南則織造不息比北十事皆惡宜改圖
陛下思修德弭災莫先於此帝不省久之改南京兵
部叅贊機務帝遣使迎佛烏思藏宇疏諫御史林有
年以誅迎佛被逮宇又疏救其秋帝素患塞上宇以

監國無人請早建儲。貳明年秋帝在宮。將自出擊
寇。宇聞之。偕同列諫曰。夏太康敗于洛表。后羿距之
周。桀王宴于瑤池。徐方叛之人。君耽于游逸。未有不
召禍者。今四海寧謐。邊陲無警。何故出無名之師。輕
萬乘之責。以投不測之險哉。疏並不報。寧王宸濠反
揚言欲都南京。旦夕東下。宇大治戡守具。嚴為警備。
而外談笑自如。或時携客遊燕城外。密察地形險易。
為置戍列防。計綜理周密。內外晏然。宸濠所移檄。斥
帝為異姓子。眾莫敢聞。宇獨封上之。鎮守中貴劉瑯
素與賊通。賊潛伏死士城中。宇刺得其情。召瑯用事。

者語之曰外間籍籍言而主與知江西謀吾不信也
給事御史會且上聞可語而主慎擇利害瑯懼不敢
動宇乃大索城中悉得謀者及所伏壯士可三百人
皆斬之懸首江干宸濠夫內應且知宇倚嚴遂不敢
徑東帝聞賜勅獎勞已而宸濠敗帝至南京詔百官
戎服朝明年正旦宇不可竟率諸臣朝服賀帝不能
責江彬驕恣懷二心一日遣使索城門諸鑰都督府
以問宇宇曰守備者所以謹非常禁城鎖鑰孰敢索
亦孰敢予雖天子詔不可得都督府以宇言復彬乃
已彬每矯旨有所求日數十至宇必廷見之彬亦稍

稍止而是時寇天叙為應天府丞攝尹。與宇協心
務以氣折彬彬每欲譖去宇而守備太監王偉者初
為帝伴讀帝信之每從中調護故彬彬不行帝駐南
京九月宇倡諸臣三疏請回鑾又自伏闕固請及駕
旋色至揚州而還明年加太子太保論保障功復加
少保世宗即位召為吏部尚書宇自為選郎即有人
倫鑒識至是辨官論材澄叙惟允時方抑江西破賊
功多浮言宇力持之乃得稍論叙世宗新政銳意求
治宇與林俊彭澤孫文並海內重望帝亦虛心聽之
凡為權倖所誣黜者皆得洗濯一時正人並列庶位

天下欣欣望治焉嘉靖元年興府需次官六十三人
援尾從例乞遷叙字言此輩皆虛隸名籍與見供事
者不同安得妄覲非分遂點劉有差帝將封駮馬都
尉崔元為侯外戚蔣翰邵喜為伯字持之明年詔進
壽寧侯張鶴齡為公封后父陳萬言為伯萬言子紹
祖授尚寶丞字言累朝太后戚屬無生前封公者即
張繼亦沒後得贈今奈何以父之贈為子之封若萬
言之封伯視繼更驟而子授尚寶又非制祖宗典章
其在願陛下謹守以垂萬世帝並不從史道誣軒楊
廷和下部議字言道挾私遂下詔獄帝無勅道劾字

奸邪字杜門求罷帝慰留命鴻臚趣令稅事字遇事
不可無所不力爭而爭大禮為尤切先是帝欲加興
獻帝皇號字言加皇于本生之親則于正統非所以
重宗廟正名分及禮官請稱獻帝為本生考帝改稱
本生皇考又詔建獻帝廟于大內字等復連章力諫
特旨用席書為禮部尚書字又偕九卿上言頃陛下
罷汪俊用席書謫馬明衡季本陳逅召張惣桂夢霍
韜舉錯乖違人心駭愕夫以一二人之邪說廢天下
萬世之公議內離骨肉外間君臣名為効忠實累聖
德且書不由廷推時出內降此祖宗來所未有乞令

俊與書各仍舊職矜宥明衡等止璉等毋召尋復論
書曲崇邪說璉等朋奸亂政請斥罷璉而災異修省
乎言今方上下交修而呂柟鄒守益乃坐言事下獄
人心皇皇以言為諱竊恐刑罰不中無以格天心况
暑氣炎蒸罪人俱蒙赦免而文學侍從之臣乃反幽
繫恐亦聖心所不忍也報聞璉等至京詔皆用為
學士宇等又言內降恩澤先朝率施于佞倖小人若
士大夫一預其間即不為清議所齒况聖朝養士當
以名節為先學士之職最疏清華而佞等居之誰
復肯與同列哉帝怒切責宇遂引疾乞休許之馳傳

給夫原稱如故事御史許中劉隅等請留字帝曰朕
非不用字字自以疾求去耳後明倫大典成追論前
議奪官楊一清卒字渡江弔之南都父老曾出迎奉
手加額曰活我者公也字既師一清東陽後交儲巖
蔡清邵寶王雲鳳石瑄輩皆海內名士以道德行誼
相規切詩文沉深雄雋兼通篆籀性好山水嘗陟太
華絕頂遇虎僕夫皆驚仆字端坐不動虎徐弭尾去
家居滬泊服御若寒士自少迄老未嘗有慢容毀口
卒之日天地晦冥數十里內凝霰草木盡白有二妾
劉氏許氏皆從死穆宗即位復官贈少傅謚莊簡

孫友寧志同安陸人初名蛟舉鄉試入國學祭酒丘
濬器重之改今名登成化十七年進士授南京兵部
主事為尚書王恕所知弘治初恕入吏部荐授稽勲
員外郎歷文選郎中居吏部十四年飭勵廉隅確然
有守善類多所推引遷太常少卿提督四縣館十七
年大同有警奉命經畧黃花鎮諸邊乃增垣塹廣樹
藝制賊騎馳突先是永樂時歲遣隆慶諸衛軍採辦
薪炭其後罷之而今歲輸銀二萬兩軍坐重困交奏
免之正德初擢光祿卿三年進戶部右侍郎提督倉場
踰年改吏部尚書張綏附劉瑾驟責任意紛更交數

數規切緣怒出之南京吏部六年召拜戶部尚書時
征討流寇調度煩急又仍歲凶災正賦不充交區畫
適宜過四方告饑輒請蠲租發帑或遣大臣賑恤又
裁抑近幸不少假以故盜賊雖橫行民不至甚敝而
小人用事者皆不便之帝嘗欲以太平倉賜倖臣裴
德雲南鎮守中官張倫請自具工力採銀礦皆以交
疏諫止織造中官楊輒以詔書發兩浙鹽引二萬而
南京織造中官吳經又奏費之交言機房歲造動至
數萬內官冬衣及歲時賞賚衣幣折銀無慮十餘萬
有何不足今方內供營繕外給師旅不宜復耗國財

請暫停織造以紓民困不納八年五月忽傳旨興禮
部尚書傅珪並致仕言官交章請留不報世宗在潛
邸知交名甫即位召復故官固辭不允乃起慨然以
天下為己任首請帝日讀祖訓言動悉取為準既又
言經筵日講雖寒暑宜毋輟帝褒納焉或議遷顯陵
天壽山交言山陵事重太祖欲遷仁祖于鍾山慮泄
靈氣而止其載皇陵碑宜斷自宸衷無煩更議事乃
止時承武宗侈汰之後庫藏殫虛交載冗食定經制
宿弊為清而事涉中官者帝亦不能盡從嘗會廷臣
議發內帑給軍廩官俸已報可而為中官梁棟等所

沮交言官府異同令出復反非新政所宜不聽中官
監督倉場者初止數人正德中增至五十五人以交
言罷撤過半其後復漸增設時帝已罷三十七人而
交欲盡去之并臨清徐淮諸倉一切勿遣得旨令自
今毋更加而已時有詔守珠池內監毋預守土事而
安川黃緣復故交劾川欺妄命如前詔正德中上林
苑內臣至九十九人侵奪公私地無算帝即位命留
十八人如弘治時已而黃緣傳奉復至六十二人交
乞清汰如初且盡歸侵奪地報許又諭御馬監內臣
宜如祖制專司蓄牧毋監牧芻豆并令戶部通知馬

數杜其侵耗帝不能從嘉靖二年錦衣百戶張瑾率校尉夫倖通倉橫取狼籍主事羅洪載欲按之瑾給請受杖已奏洪載擅笞禁衛官帝怒逮下詔獄謫外父興林俊喬亦先後論救不納頃之御馬監閹洪乞復豹房地交言先帝以豹房之故貽禍無窮幸明詔裁革而洪等仍欲修復以開游獵之端非臣等所敢聞詔以地十頃給豹房餘仍令百戶趙愷等分佃如故尋奉詔上各宮莊田數視舊籍不同帝詰故交言舊籍多以奏請授獻數多妄報也新籍少以奉命清查田多除豁也帝意稍解令考成弘間原籍以開時

交年已七十連章乞罷帝輒慰留遣醫視療至是請
益力乃許之手詔加太子太保馳驛令予編修元侍
行有司時加存問給食米與隸復賜道里費卒年八十
諡榮僖交言論恂恂不以勢位驕人清慎恬慤終始
一致興猷王素愛重交嘗割陽春堂東偏地蓋其宅
後中官言孫尚書侵地世宗曰此先皇所賜吾敢奪
耶元進士終四川副使謹厚有父風

彭澤字濟物蘭州人幼受學外祖段堅有志節舉于
鄉赴會試二場畢聞母病徑行不待終事母喜其歸
病亦遂已舉弘治三年進士授工部主事歷刑部郎

中有勢豪殺人澤寔之辟會中貢偕法司錄囚黃緣
祈免澤執之堅竟不能奪出為徽州知府澤將遣女
治漆器數十使吏送其家澤父怒曰吾以澤居官為
天子愛民節財乃今數月未聞善政而以官物來家
即貧不可荆布遣嫁耶趣焚之襦被徒步竟詣徽州
澤大驚出遇日吏負其裝怒曰吾負此數千里不為
疲今此數武汝不能耶既入杖澤堂下杖已持裝徑
去澤益痛自砥礪政績章聞人以方前知府孫遇父
喪歸正德初再知真定有閹人怙權數抗禁澤治一
棺于廳事曰且死之其人乃懼遷浙江副使歷河南

按察使所至以威猛稱六年擢右僉都御史巡撫遼東明年進右副都御史改保定未赴會賊劉惠趙鍾等入亂河南命澤與威寧伯仇鉞提督軍務討之因陳便宜十一事務為厚賞峻罰以激勸將吏澤體幹修偉腰帶十二圍大音聲與人語若叱咤始至大陳軍容引見諸將校責以緩寇畏縮當死諸將校股栗伏罪良久乃釋遂下令鼓行薄賊大小數十戰連破之甫四月賊盡平語詳鉞傳錄功進右都御史太平少保廢予錦衣世百戶其年九月又代洪鍾總督川陝諸軍討四川賊時鄔本恕藍廷瑞廖惠曹亦己平

惟廖麻子俞思休獨倣如故八年澤偕總兵官時源督軍進討賊數敗部將閻勲追及牙劔州麻子就擒思休率餘黨竄入通巴間據險時出剽掠招集散亡勢復振澤督諸軍圍之殺傷略盡思休乘間走匿西鄉山卒就獲于是澤移駐漢中請班師未報而內江榮昌諸賊駱裕祥熊時達鄭朝陽等復熾澤又移師討平之先是成都衛軍范藻因歲饑亦聚黨千餘人為亂崇慶知州劉永成指揮徐穎往撫俱被執至是亦破賊復請班師詔暫留保寧鎮撫而進澤左都御史太子太保廕子如初初澤入蜀座主楊廷和謂曰

蜀人易龍難靖前者趙鐸劉千斤之捷皆以班師早
致通黨復聚君宜戒之澤唯唯及賊甫定而請還者
再明年五月遂召還未行會土魯番據哈密執忠順
王速壇拜牙郎以其印去投謾書甘肅要素金幣總
制鄧璋甘肅巡撫趙鏊以聞請遣大臣經略于是廷
和等共荐澤澤久在兵間厭之乃以鄉土為辭且引
疾推璋及咸寧侯鈇可任帝優詔慰勉乃行上言關
中歲祲民流徵調旁午臣恐憂不在遠請令璋與督
餉侍郎馮清分賑平涼東西耶陽撫臣王憲駐漢中
拊循流民詔可澤至甘州土魯番方寇赤斤苦必諸

衛復遣使索金幣請還哈密澤以爲人好利可啗也
遂與鑑謀遣哈密都督寫亦虎仙以幣二千銀酒鎗
一駝之令還哈密城印未得報輒奏事平乞骸骨十
年五月命運理院事巡按御史馮時雍言土魯番未
附哈密城未歸澤不宜遷召不納先是兵部缺尚書
廷臣共推澤而王璉夤緣得之且陰阻澤來言官多
劾璉者由是有隙而澤又好酒使氣常凌璉出其上
璉愈欲傾之澤時時罵錢寧璉以語寧寧未信璉乃
故邀澤飲而挑與語令寧所親匿屏間聽之澤醉輒
謾罵寧奴才壞天下璉謂澤勿妄言澤愈奮不可止

率聞大怒欲共圖澤明年番人以城印來歸而留連
壇拜牙部不遣其秋寇大入宣府廷議以許泰將兵
澤總制東西兩邊軍務及詔下罷泰不遣又不命澤
總制獨令提督兩邊擊兵六千人以行意以此困澤
澤上言臣以文臣行罪行間不過揚明命司其實刑
號令而已至于摧鋒陷陣非臣所能獨任璽不得已
為遣成國公朱輔會賊遁去澤還理院事如故寫亦
虎仙者素桀黠雄居肅州而陰通土番番酋速壇滿
速兒為之耳目據城奪印皆出其謀澤初不知而遣
之遂私許增幣且啗使入寇曰肅州可得也滿速兒

悅使其婿馬黑木隨之入貢以覘虛實兼徵其賄時
澤已還鑑亦遣去李昆代為巡撫慮有他變質其使
于甘州而縣寫亦虎仙出關虎仙懼弗去滿速兒聞
之怒復取哈密分兵據沙州自率萬騎寇嘉峪關遊
擊翁率與叅將蔣存禮禦之軍以所部七百人先進
遇賊沙予壩賊聚眾圍軍而分兵縱存禮軍令不得
合率軍盡沒賊因墮城堡縱殺掠十二年春詔澤提
督三邊軍務禦之會副使陳九疇繫其使失拜烟谷
及寫亦虎仙等絕其內應賊復求和澤兵遂罷尋乞
骸骨歸馳驛給夫廩如制御史滿做給事中黃鍾等

交章乞留不聽澤既去而璵憾澤未已疏論嘉峪之
敗請窮詰增幣者主名令錢寧從中下其事大學士
梁儲等持之乃已會失拜烟谷予訟其父寃下法司
議釋罵亦虎仙等璵因請遣給事中黃臣御史趙春
詣邊勘失事狀欲中澤危法還報又無所引璵乃屬
會同館主事張潔令番人發之潔不可璵計沮遂自
為奏劾澤妄增金幣遺書議和失信啓釁辱國喪師
并昆九疇俱宜罪帝下廷臣雜議衆咸不平然畏璵
莫敢言禮部尚書毛澄稍折之璵厲聲曰使械至關
下鞠以重刑自當首服澄曰是何言古者刑不上大

夫戶部尚書石玠都給事中王爌石天柱亦言之璉
迫衆論乃易奏稿數字謂澤歸踰年始失事似亦可
原奏入斥為民昆九疇並逮訊給事中汪玄錫御史
師存智等疏救不聽昆謫官九疇除名武宗崩錢寧
收璉亦得罪御史楊東中請召還澤遂即家起兵部
尚書太子太保如故昆九疇亦復官時承部事積壞
之餘備帥滿天下澤至蕩滌垢汙振舉法令戮功罪
杜千詣兵政一新初正德時廷臣建白戎務已奉俞
旨者多廢格不行澤請腫列成帙次第修舉又請勅
九邊守臣策防禦方畧毋畫境自保鎮巡居中調度

母相牽制諸邊各以農陳築塙濬修墩臺飭屯堡
為經久計內地寇盜甫息請勅守臣練卒伍立保甲
懲匿盜不舉者又請撫西南諸苗蠻中海禁汰京軍
老弱帝咸嘉納時修興來功諸臣皆得遷擢于世職
澤䟽爭帝以事既行不聽詔遣中官楊金鄭斌安川
出更代鎮守澤言中官出鎮已為民害况可令其數
易此必金等夤緣為奸請正其罪俄復令張弼劉瑤
守涼州居庸澤等又以為言于是皆罷弗遣四川巡
撫胡世寧劾分守中官趙欽澤因請盡罷諸鎮守詔
雖不從然其後鎮守亦竟罷嘉靖元年澤言天下軍

官部皆有帖黃文籍以憑點陟錦衣不宜獨無于是
置籍如諸衛錦衣千戶劉璿等已遵詔書點汰復黃
緣求還官司禮中官蕭敬言各監局缺工匠請僉補
一千五百人澤皆持不可帝並從之帝將授外戚蔣
泰等五人為錦衣澤言蔣掄等已錫爵拜官今又施
及泰等恩澤太濫不可示天下不納御史史道訢楊
廷和已下詔獄澤復劾道奸人之雄不可不治帝因
降諭自今惟大奸大惡機密重情許言官獨疏諭奏
餘皆從公會疏毋挾偏私中傷善類詔下給事中李
學曾御史汪珊等交章劾澤阻塞言路壞祖宗法帝

乃從吏部言停前詔澤不自安系疏乞休慰留不許
已而御史朱寶昌南京給事中彭汝實御史周允中
等皆劾澤澤自是乞罷不已久之給事中趙漢曹懷
言澤老且病宜聽其去澤疏請益切乃加少保賜勅
乘傳歸六年錦衣百戶王邦奇憾澤嘗抑已上書言
哈密失國由澤賂番求和所致語侵楊廷和陳九疇
等張璉桂萼方岳廷和遂逮九疇廷訊成遣澤復奪
官為民家居鬱鬱以卒卒後總制尚書唐龍稱澤孝
友廉直先後討平群盜功在盟府當先帝時為僉士
所譖不竟其用陛下起之田間俾掌邦政澤孜孜奉

國後為讒言構罷今沒已五年所遺二妾衣食不給
傳曰成季之勲宣孟之忠而無後為善者懼矣請覈
澤徃勞復官加卹以作忠臣之氣不從隆慶初復官
謚襄毅李昆字承裕兵部侍郎介之于弘治初進士
歷禮部主事改兵部帝將建延壽塔于城外昆疏諫
正德初屏小用事昆誦黜邪枉進忠直杜宦戚請乞
節中外侈費不報進員外郎昆素廉直吏得庫中遺
篋密以送昆昆會衆啓之有金四百餘兩即移付公
帑素鄙尚書劉宇以事見忤宇謫于劉瑾遂貶解州
知州屢遷陝西左布政使十年以右副都御史巡撫

甘肅既為王瓊所陷調浙江副使嘉靖初歷兵部左
侍郎

林俊字待用莆田人成化十四年進士除刑部主事
進員外郎性侃直不隨俗浮湛事涉權貴尚書林聰
輒屬俊治之故僧繼曉結中貴梁芳以祕術得幸請
內帑建大鎮國永昌寺公私騷動二十年十月俊因
災異上言臣惟人君之德莫大于聽納臣子之罪莫
加于欺罔今災異迭興兩京地震日月薄蝕野熊入
城而山西河南仍歲饑荒閩陝尤甚甚者舉縣無人
倉廩懸磬拯救無策道路過者莫不隕涕而撫按諸

臣漢不為言夫物極則勢變革澤之中禍深難測此
誠腹心危急之疾治之如救焚溺不可少緩今誠下
寬恤之詔立遣材力大臣分齎帑金兼程赴賑則溝
壑餘民猶可及濟也臣聞修養之說佛氏之教其事
不見于堯舜禹湯文武之世其害每見于漢唐宋輓
近之君鑒戒昭然所可考鏡妖僧總曉本市井無賴
猥挾邪術欺詐楚王事敗逃罪潛身京師多方賣緣
謬沐恩眷乃敢復惑亂聖聰發內庫銀數十萬兩營
建寺塔是必繼曉過為誕說以啗陛下謂此寺一建
則聖壽益綿國祚彌昌也不知以可用之財供無益

之費國計且日削矣以陛下起三邁五之資蹈唐憲
梁武之轍聖譽且日損矣下人師師爭先事佛豎政
且日壞矣居民播遷工役不息人怨且日興矣臣謂
不斬繼曉無以謝天下然荐之者梁芳也芳傾覆陰
狡引用克邪附之驟得美官觸之動遭竄逐數年間
以進貢買辦為名盜國帑藏輸之私家不可殫紀尚
銘汪直未能或先乃復引進妖僧陰求建寺夫天下
猶身也賢才其元氣財用其骨肉兩小人其疾病也
方耗元氣削骨肉而引之疾病臣切為身危之今在
朝在野咸欲食二人之肉而無一人敢言者獨惜官

畏死耳臣何患畏死不言以負陛下疏入帝大怒下詔獄考訊後府經歷吉水張黼救之并下獄事且不測賴太監懷恩力救帝怒稍解謫俊姚州判官黻師宗知州時言路久塞兩人直聲遂大震都下爭傳其奏章為之語曰御史在刑曹黃門出後府明年正月朔星變帝感悟俊官改南京弘治元年用荐擢雲南副使俗佞佛好鬼鶴慶元化寺稱有活佛歲時集士女動至萬人爭以金塗其面俊按部至命焚之父老言犯者輒致電損稼俊與約積薪寺旁米電則止已竟無驗即焚之得金悉輸官償民逋又毀所部淫

祠三百六十區皆撤其材修學宮千崖土舍刀怕愈
欲奪從乎宣撫官率兵攻劫其印數年不靖後以他
事道其地移檄諭之遂釋兵歸印四年進按察使尋
調湖廣境內大雨雹疏言德安安陸吉安營建王府
請一切節省勿用琉璃瓦白石雕欄推諭陰陽失序
君子小人消長之故因引疾不待報徑歸久之荐起
廣東右布政使不拜十三年起南京右僉都御史督
操江明年正月朔陝西山西地震水涌上疏併述古
來宮闈外戚內侍柄臣之禍請帝鑒戒因乞罷齋醮
減織造清役占汰冗員止工作省供應節賞賜戒逸

欲遠佞幸親賢人又請豫教皇儲言昔殷武丁為太
子其父小乙使居民間與小民出入其在祖甲高宗
也亦然漢宣帝少居田野涉艱虞故能周悉民情為
守成令主蓋處境太順驕惰易生今農畝細民家無
十金之產猶慎教予以守先業況儲君國本天地祖
宗所付託耶今皇太子年踰幼學多處宮中少就外
傳非古人早教豫養之道因荐侍郅謝鐸少卿儲瓘
楊廉致仕副使曹時中處士劉閔堪任輔導帝報聞
已屢疏乞休并荐時中自代不許十五年江西新昌
民王武起為盜巡撫右副都御史會稽韓邦問不能

命俊巡視倭榜賊許自新而身入武棗武驚率衆
出迎請自効賊黨悉就擒詔即以俊代邦問俊奏昔
朱熹劾提刑唐仲友改命授熹熹辭不拜包拯劾三
司使宋祁解職與拯極拜不辭美刺具見正類臣跡
力辭不允邦問起進士居官清慎嘗奏撤中官駐饒
州督磁器者既去俊稱其才足治簡乃命撫河南中
方徵樂工邦問上書引鄭聲為戒竟不遣後為刑部
左侍郎見惡于劉瑾傳旨以刑部尚書致仕久之卒
諡莊僖俊既代邦問乃更定要約均糧平役立義學
義倉義塚庶務一新部內王府徵歲祿率倍取于民

俊以為言大得減省每王宸濠貪暴俊屢裁抑之王
請易琉璃瓦費當二萬俊言民財已竭宜如舊毋過
驕縱使涉叔改京鄙之求吳王儿杖之賜王怒伺其
過無所得會俊以聖節按部遂劾奏之坐停俸三月
尋以母憂歸武宗即位兩京言官荐起之而江西人
在朝者合疏乞還俊乃進右副都御史再撫江西會
遭父憂不果正德四年起撫四川時眉州人劉烈倡
亂遠近麻沸後烈敗遁逃而諸不逞之徒猶假烈名
剽掠俊至購烈二千金繪形捕之竟莫能得而保寧
賊藍廷瑞鄢本恕廖惠等繼起勢益張尋為官軍所

敗俘斬幾四千退保陝西之西鄉顧聽撫會開率夏
之變俊亦欲竊縻之而賊轉寇巴州俊馳救猝遇賊
華壘軍與直抵其營譬曉利害賊羅拜約日請降既
而淫雨溪溢賊失期復叛去攻陷通江俊督諸軍急
擊敗之龍灘河俘斬八百再遣知府張敏等追至門
鎮予俘斬亦如之遂擒廖惠而廷瑞本恕未奔越漢
中三十六盤至大巴山官軍追及獲大破之棄輜重
走俊遂移師擊曹甫會甫將攻瀘州俊遣人招諭甫
佯聽令而命弟瑄流劫如故指揮李廩禦之斬瑄首
賊遂移江津分七營將攻重慶俊督發酉陽播州土

兵即廢進勅以六年元日乘賊宴飲無備夜半銜枚疾攻之破其四營斬獲無算賊遁入民家土兵圍而焚之盡斃永勝進搗老營賊發伏指揮江洋等被殺官軍稍却賊併入大營廢復進至合小坪去賊十五里而軍甫領江津空虛將襲陷之以數十騎先行道遇廢兵而敗走還其營官軍遂進圍之四面縱火賊大潰俘斬千二百有奇死于火者稱是已與總制洪鍾共擒本恕廷瑞賊勢大衰論功進右都御史而甫黨方四自江津之敗亡命思南復烏合數萬衆攻南川綦江以窺瀘州倭益發土兵令副使何珊李鉞等

統之分道並進賊數敗走綦江將士乘隘感之賊復
大敗餘黨還走思南先後斬首千四百餘級俘獲千
八百餘人路死者又幾萬人捷聞璽書獎勵俊故以
直節顯當劉瑾用事時初不肯出已見劉大夏等得
罪懼及乃應召起欲以自全瑾誅因上言嘗草疏劾
瑾欲俟賊平上之今幸假手張永瑾伏其辜臣竊傷
廷臣無人而陛下信廷臣不如信永也又言瑾雖死
大權猶在內臣大臣有缺仍與內臣議之漸不可長
因荐劉健謝遷林瀚王鏊韓文訢進而言今在位大
臣狡猾回譎贊逆賊以亂人國脫神器此而可忍孰

不可惡以指大學士李東陽并上前奏葉永等大怒
矯詔言俊奏成不進懷奸畏罪宜治第賊未平置勿
問先是俊在軍與鍾議多不協中貴子弟欲從軍冒
功者輒禁止諸近幸益怒御史俞綱按部江津聞賊
至走免僉事吳景載沒綱愬欲委罪俊自解遂劾俊
累報首功而賊終不滅加以鑿井毀寺斥逐僧徒使
無所容驅之為賊于是俊前後奉旨切責比方四敗
賊止盡俊遂上章辭加秩及賞乞以舊職歸田詔不
許辭而聽其致仕言官連章請留不報俊歸士民號
哭追送家居聞宸濠反即夜使人範錫為火器手書

昭王守仁勉以討賊世宗即位起工部尚書改刑部
在道數引疾不許因請帝親近儒臣務先正其心以
出號布令而用約質渾樸為天下先初詔所革貴近
多不便願無遷就以費公議既抵京師會暑月經筵
輟講舉祖宗勤學故事以誅後時年已七十寓止朝
房不僦室示無久居意數為帝言親大臣勤聖學辨
異端節財用朝有大政必侃侃陳論中外想望其風
未時中官葛景盧良劉寶李朝用劉孟陽等奸利事
覺為言官所糾有詔免逮止下司禮監察訊後言法
立于祖宗守之者陛下而奉行于法官今內臣犯法

法司不得與訊是官府異體也陛下第見近日叅論
內臣者多以為其中豈無細謹足用者必疑外臣有
所輕重其間不知大小臣工有六年考察三載黜陟
而又有兩京言官之糾彈有撫按二司之考覈一千
吏議終身不齒不三數年而汰去者數千人矣是皆
內臣所無而內臣犯法事無大小法皆具奏故陛下
祇見叅論之多而不知為執法之平也乞下法司公
訊以昭平明之治苟法司訊問不公宜廢不法之官
不宜廢祖宗之法都督劉暉下獄後當以交結朋黨
律且言暉與許泰同罪泰之免死人心共憤請斬暉

以謝天下廖鵬廖鏐孫佐王璵已論死繫獄屢詔緩
刑俊言四人實屬巨憝國人皆曰可殺乞亟行誅以
昭大法又劾谷大用占民田萬餘頃固利營私為朝
廷費怨皆不聽中官崔文家人李陽鳳索匠師宋鈺
賄不獲嗾文杖之幾死下刑部治未決而中旨移之
鎮撫司俊留不遣力爭曰臣奉詔則廢法守法則違
詔臣寧違詔不敢廢法帝不納明日又奏帝怒責陳
狀俊言祖宗以刑獄付法司以緝獲奸盜付鎮撫訊
鞠既得猶必付法司擬罪未有奪取未定之囚反付
推問者文乃先朝滿奸益惑主心傾軋言路罪已不

容誅茲復飾詞巧辯敢干內降此途一開禍亂何極
伏思人臣奉公守法為職犯顏敢諫為忠陽城裂麻
以非延齡之相狄兼基封勅以阻賊吏之赦忠臣愛
君誼當如是臣竊慕古人思報國恩誠不思見朝廷
百五十年紀綱一旦為此革壞亂言詞狂率無所避
罪帝憚其言直乃不問俊以老成耆德起自田間自
謂當事事持正不可恤嫌既屢見格則以為不得其
職義無苟留遂乞致仕詔加太子太保給驛賜隸廩
如制先是俊數爭大禮與楊廷和合及大禮議定主
廷和說者皆得罪有杖死者四年秋俊從病中上書

言古者鞭朴之刑辱之而已非欲糜爛其體膚而致之死也又非所以加于士大夫也成化時臣及見廷杖二三臣率容厚綿底衣重疊褰然且沉卧久之乃得痊正德朝逆瑾竊權始令去衣致衣單遂多杖死臣又見成化弘治時惟叛逆妖言劫盜下詔獄始命打問他犯但言送問而已今一槩打問無復區別亦非故事自去歲以來舊臣罷斥殆盡朝著為空乞聖明留念既去者禮致未去者慰留與二三大臣時加延接其有碩德重望如羅欽順王守仁呂柟曾鐸輩宜列置左右臣衰病待盡無復他望敢效古人遺

表之意敦布大馬之心帝但下所司而已又明年疾
革復上書請懋學蔭孝任賢納諫保躬導和且預辭
身後卹典遂卒年七十六後一年明倫大典成追論
俊附和廷和削其官其子達以士禮塋之俊歷事四
朝抗辭敢諫以禮進退持身始終無可議隆慶初復
官贈少保謚貞肅達正德九年進士官至南京吏部
郎中工篆籀能古文張敬成化八年進士歷知涪州
宿州介持不避權貴弘治中俊蒙顯擢而敬老不用
王恕為之請特予誥命

閻琰字廷信絳州人父銓進士陝西右叅議琰舉成

化十六年鄉試第一明年成進士授刑部主事弘治
初進員外郎掌諸司章奏歷固原兵備副使固原為
西陲重鎮琰練士卒繕器械廣募粟歷九年部內晏
如遷福建按察使去未踰月寇大入固原始命重臣
經略其地民自是無寧居矣琰性清儉每飯惟一蔬
衣服無綺繡沉默簡重執法侃侃不為權勢枉撓歷
浙江山東左右布政使正德元年以右副都御史巡
撫河南平更徭節冗費以清靜稱歲餘遷刑部右侍
郎陝西遊擊徐謙訐奏御史李嵩又厚賂劉瑾欲中
焉危法詔琰往按琰舉法直高瑾怒會中官勸徽府

莊田者言琰撫河南時不當斷田歸民遂下琰詔獄
褫其職又撫他事罰米四百石輸邊瑾誅起左副都
御史總督漕運兼巡撫淮揚諸府淮楊當水陸孔道
中使至者旁午要素無厭自琰蒞事無敢犯者六年
秋轉南京刑部右侍郎明年賊劉七等將犯江南姚
源賊王浩八又流入衢州進琰右都御史巡視浙江
琰至七等已滅浩八聽撫人心稍安而寧紹瀕海屬
邑颶風大作海堤毀者三百里居民漂沒以萬數琰
乃出帑金按行賑救而委官築堤捍水自蕭山至會
稽凡五萬餘丈琰知姚源賊反側難信奏設兵備憲

臣按守要害已而賊果犯華坪瑛督都指揮江洪等
擊敗之斬其渠魁璽書獎勵加秩一等遂城開化常
山遂安蘭谿四縣境內大安九年復命總督漕運七
疏乞歸始報允世宗嗣位起故官瑛至是凡三督漕
軍民習其政不嚴而肅瑛每到官及罷歸行李止三
竹筭尋加戶部尚書視事如故嘉靖元年召拜工部
尚書其冬改南京兵部加太子少保萬歲饑移牒諸
曹令盡出所儲賑貸又客戶部預給軍糧數月米價
遂平內臣進貢快船裁損幾半未浹歲屢引年乞休
詔加太子太保乘傳歸有司歲時存問又九年平年

八十有四贈少保謚恭介琰質朴恬雅直道而行不以進退為喜愠言不說激事不避難一時稱為名德予滋以進士授行人諫武宗南巡杖闕下謫國子學正嘉靖初歷兵部郎中率同官伏闕爭大禮再受杖謫戍榆林琰年八十兵部尚書王時中等言琰老病呻吟與父子一相見乞改調近衛不許十五年赦還卒

論曰當世宗嗣立後又在官諸曹正卿並皆宿德如喬宇孫交彭澤林俊陶琰並極海內之望所謂六官之長皆民譽也亡何而新進叢張宗工謝事大禮大

獄日蓋紛紜欲如嘉靖之初不可得矣嗚呼盛衰理
亂之故豈非天實為之哉不然何消長改變之速也
噫

明史卷二百六十八

列傳一百十九

秦金

趙璜

鄒文盛

劉麟

梁材

蔣瑤

王廷相

秦金字國聲無錫人年二十舉於鄉其父不令會試
日課書如故弘治六年成進士內閣徐溥命試館職
金以父老請急歸溥益重之尋授戶部主事歷郎中
正德初遷河南提學副使與前使同縣邵寶齊名稱
秦邵改右叅政分守開封賊趙鐸剽掠河雒將犯封
丘金帥民兵偕叅將宋振合擊於陳橋大破之歷山

東左右布政使承寇躡之後與巡撫趙璜協心拊循
瘡痍始起九年擢右副都御史巡撫湖廣先後條上
便民十八事多報可十一年所部大水請蠲田租諸
王府所據山場湖蕩皆奏還之官巨盜賀璋羅大洪
既降復叛金討平之柳州桂陽徭賊龔福全聚衆稱
王金分軍四哨剋期合攻先後破砦八十餘斬首二
千級福全及其黨劉福興等俱就擒錄功增俸一級
蔭錦衣世百戶力辭得請有詔取鱣鯉將畜之金言
頻年水災瀰漫千里何從得魚且此魚大或千斤非
池沼中物縱使採取以進物違其性必不能生致乞

收還成命不聽武宗駐蹕南京鎮守中官李鎮假供
奉名橫肆苛歛賴金力遏之稍止入爲戶部右侍郎
世宗嗣位改吏部言官論金無人倫鑑識復改戶部
進左侍郎署部事外戚邵喜乞莊田金言畿輔之害
莊田爲甚祖宗時畿輔及山東河南閒田任民間墾
永不科率勢豪強占及奸民投獻並戍邊衛今喜敢
違禁奏乞宜按治帝特宥喜命都察院禁止如制時
有中旨各宮仍置皇莊遣官校分督金言萬乘之尊
宮壺之貴乃下與小民分田爭利昔西漢盛時咸以
苑囿賦貧民今奈何反剝民以益上况管莊內臣督

租官校虐民萬故怨萃朝廷累新政不小乞遣官察
勘凡正德間額外占據者悉歸其主而盡撤還管莊
之人畿輔幸甚帝稱善即從其議嘉靖二年擢南京
禮部尚書八月率諸臣上疏曰陛下繼統以來昭德
塞違勵精圖治動無過舉宜召天和而災眚頻告者
何也詩曰靡不有初鮮克有終竊見陛下臨馭未幾
政漸弗逮是以天心仁愛示之警慎臣請盡言而無
諱可乎陛下登極一詔百度咸貞天下拭目以望至
治比來舉措多與詔違百司罔遵萬民失仰此詔今
不能如初也陛下即位之初罷逐庸回任用耆舊比

聞內閣擬旨輒或中改至有疏請徒荅溫語未見信
從此任賢不能如初也陛下即位之初聽言如流朝
請暮報比來事涉威畹宦寺雖九卿執奏科道交章
皆曰業經有旨此聽納不能如初也陛下即位之初
凡先朝傳陞乞陞等官一切釐革比來宦戚之家藩
邸之臣恩澤過濫封拜頻煩此慎名器不能如初也
陛下即位之初凡奸黨巨惡俱付都察院鞫訊刑部
大理寺平擬比來輒下之鎮撫司臺諫論列而不從
法司執奏而被詰此謹國法不能如初也陛下即位
之初首命戶部減馬房糧芻之半且令科道官備覈

馬數人情欣悅乃因太監閻洪等言遂寢前詔此恤
民瘼不能如初也陛下即位之初遣斥法王佛子國
師禪師禁黜左道比來誤聽乃於禁嚴之地修設齋
醮連日不止耗蠹財用瀆溷宮庭此崇正道不能如
初也陛下即位之初精明克盛比來聖躬弗豫天顏
未復豈燕閒之地違養心之道歟此蓄精神不能如
初也有一於此足上千天和況兼之乎夫初政所以
清明者政出公朝而左右不預也今政所以淆溷者
政在左右而外廷不知也惟政不可一日不在朝廷
惟權不可一日移於左右所謂政在朝廷者非必皆

獨運也股肱有託耳目有寄即主威重於九鼎國勢
安於泰山自古帝王制御天下操此術而已不則官
府之勢隔而信任有所偏婦寺之情親而聽受有所
蔽名曰揔攬而太阿之鑄實移於下矣望陛下上憂
天命下悲人窮思九廟付託之重念萬姓仰戴之勤
側身思過修德格天然後和氣流通休禎協應章下
禮部尚書汪俊深善其言力勸帝採納帝雖無嫌忤
然亦不能盡用也尋就改兵部已召爲戶部尚書明
年帝欲考興獻帝金偕廷臣伏闕力爭又與何孟春
等條悉張璉建議之非及上聖母冊金及趙璜等復

不至帝頻加詰讓金爲人樂易及居官一以廉正自持在戶部尤孜孜爲國永福長公主乞寶坻武清地千餘頃金言主前已給田未及旬月奈何復有此請倘戚里轉相倣效恐盡畿內之地猶不足供陛下宜以義斷恩寢其前奏於是頗有減損初撫寧山海莊地以賜魏國公徐達者達卒仍歸之官至是定國公光祚請還之金執不可給事中黃重御史張珩等先後力爭皆不納金等再以爲言始報許內府諸監局所招軍匠多者至數千人金執奏以爲財者國之大命比年水旱災傷庫藏空乏而此曹蠹耗日滋後將

難繼中官梁諫請下部採辦金玉珠石金又奏內府
供用例取之折糧銀本不出於臣部今國家經費多
端太倉所儲無幾安從區畫况珠玉不產中土皆遐
荒之人鑿山繹海跋履險阻而後得者也今滇黔南
粵頻年凶旱子女他徇若復行誅責公私騷擾將何
以堪且陞下方躬節儉爲天下先奈何用玩好之具
動勞斯人哉皆不聽奸人逮俊等黃緣貴戚乞兩淮
鹽引三十萬帝已許之金又力爭不可金既積失帝
旨六年春以考察自陳遂命致仕馳驛給夫廩如制
時朝野方倚重金金歸五年慰薦者不已乃起南京

戶部疏陳利民六事踰年召爲工部尚書尋加太子少保十四年帝與張孚敬李時評議大臣頗稱金賢而嫌其衰老居數月加太子太保改南京兵部條上兵政六事咸報允踰年致仕歸卒年七十八贈少保謚端敏孫柱以諸生工書選授中書舍人與大學士高拱雅故拱得罪倉皇去京師官校方四出偵視諸門下皆走匿柱獨追送百里外及武進吳中行疏諫閣臣張居正奪情被杖下詔獄時偵者益衆柱挾醫往視湯藥遂忤居正遷魯府審理尋以考察罷趙璜字廷實安福人少從父之官過石首陞江中隨

流半里不溺遇救免稍長行道上得遺金一囊悉還
其主舉弘治三年進士授工部主事改兵部歷員外
郎以才受知尚書馬文升出爲濟南知府府多豪猾
吏舞文璜擇民謹敏者教之律令未幾得二十餘人
遂盡逐豪猾吏而代之漢庶人牧場乏籍於官募民
佃作德王府復爭之勘者率依違璜訖以予民閱七
年政績大著正德初擢順天府丞未上劉瑾惡璜無
所報謝坐巡撫朱欽事逮下詔獄除名瑾誅復職六
年遷右僉都御史巡撫宣府革官吏冒支倉廩歲省
軍儲萬餘石明年調山東時所部多盜民經兵焚困

甚璜爲區畫科徭公私便焉有河灘地數百里號膏
腴璜賦流民使墾而除其租畚僧怙寵者黷其利奏
乞徵稅充齎糧帝已許之璜上書力爭得免時曲阜
爲賊殘破而闕里林廟越在曠野璜請移縣就闕里
從之十年擢工部右侍郎總理河道踰年以邊警改
理畿輔戎備事定命賑順天諸府饑民奏免寄養馬
三千匹停征備用馬半之蠲逋已責民困爲蘇召還
佐部事世宗嗣統進左侍郎掌部事正德時宦官賜
塋費多者五百兩少亦三百兩歲耗不貲至是璜一
以懷恩例裁之幾省其半御用監派料價者猶用正

德故事浮於弘治前且倍璜與中官力爭竟得如弘治數內府酒醋麵局諸竈悉以鉄爲之雖百年不壞也中官乃歲徵鉄價多至五千餘兩至璜始革之嘉靖元年進尚書先是劉瑾創元明宮制度崇壯所糜財亡慮數十萬毀民廬墓無筭瑾死奸人獻爲皇莊及帝即位詔撤正德間所建宮觀元明宮亦當廢予民既而中旨令仍舊璜疏爭言此必中官王竈賈友仍持皇莊之邪說以誤陛下一莊之利甚微王言所繫甚大今詔下數月而忽更非示天下以信也乞以地歸戶部室宇歸臣部民有願贖者聽之帝即報許

是時方修仁壽清寧宮工費難繼璜因請與石經山諸房舍并斥賣以資用可無累小民帝可之而戶科給事中徐景嵩等以詔書本許還民官不當自粥遂劾璜交通勢豪爲欺蔽璜疏剖并發景嵩減價變易官產諸事交相詆辨御史張鵬翰言璜撻拾言官無大臣誼帝留璜責鵬翰黨庇景嵩竟由是斥其同官陳江劾璜復被責江求去於是給事中章僑言璜一舉逐兩官甚損國體而尚書彭澤奏僑劾璜非是僑又疏辨帝兩解之璜力丐罷卒慰留如故中官溫祥道濟寧惡主事陳嘉言啓牘不時誣其凌侮帝震怒

逮繫詔獄言官爭救不聽璜言濟寧地高水易洩先
朝具有禁例比歲勢豪橫行此禁遂廢幸陛下新政
百官守職而嘉言持之過嚴遂至獲罪今盛暑繫獄
人所難堪祈早賜裁決乃命所司論當以聞時有詔
營后父陳萬言第於西安門外估工直六十萬璜以
地逼宸居不宜踰制持之萬言怒愬即中葉寬員外
郎翟璘於帝以爲事由二人將激帝怒以怵璜帝果
下二人詔獄璜疏言二臣聽命於臣者也臣奉行無
狀二臣無與乞以其罪罪臣帝不聽其後論救踵至
萬言不自安亦再疏請貸二人竟獲釋而工價亦大

減三年與廷臣伏闕爭大禮顯陵司香內官言陵制狹小請改營視天壽山諸陵璜言陵制當與山水相稱恐難槩同今但宜增設明樓石碑置顯陵衛改司香署爲神宮監其他止宜加飾無事改作帝納其言已而帝欲遷顯陵璜極言不可事竟寢明年有詔建玉德殿景福安喜二宮璜以歲饑財匱請俟仁壽宮成徐議其事帝不許頃之以災異陳言更申前議帝始從之并罷仁壽之役江西建真人府陝西督織造皆遣中使璜皆疏爭時營建世廟中官所派物料戶部頗多裁省其人爲言帝以問璜璜言曩建乾清坤

寧兩官所積餘貲足可移用幸勿令加派民間帝遂
報可璜剛正不阿爲尚書六年惜財守法其初值更
化方始廟堂銳意釐剔中官不敢肆撓故得舉其職
迨後論執不已諸權倖忌嫉者衆帝意亦寢疎焉素
與秦金齊名及考察自陳竟與金俱致仕廷臣乞留
不許馳驛給夫廩如故事璜有幹局多智慮事當禁
錯他人相顧愕眙璜應之立辦既去人爭薦之帝亦
念其老成可任十一年復召起故官未上卒贈太子
太保謚莊靖

鄒文盛字時鳴公安人弘治六年進士除吏科給事

中中官廖玘鎮守遼東巡撫韓重論其貪恣文盛偕
郎中楊茂仁往勘之按正其罪謫長陵司香時朶顏
三衛屢盜邊文盛還奏制馭六策兵部尚書劉大夏
深善之下之邊吏尋出覈兩廣糧儲思思土官岑濬
與田州岑猛構兵文盛言田州廣西之藩蔽李蠻田
州之干城而叅政武清受濬重賂以計殺蠻釀成禍
亂制勅房供事叅議岑業濬之懿親爲之彌縫於中
漏我機事我謀方發彼備已周請先正二人之誅然
後恭行天討兩廣撫按及兵部亦以爲言顧業有內
援帝終不聽而清以考察褫職正德初歷戶科都給

事中出爲保定知府累遷福建左布政使十一年以
右副都御史巡撫貴州先是清平苗阿旁阿階阿革
稱王聚黨爲亂巡撫曹祥謫永順保靖土兵討之以
師律不嚴被劾罷阿旁等據香爐山四出焚劫興隆
偏橋平越新添龍里諸衛咸被其患乃命文盛代祥
文盛馳至審地形購鄉導檄召四川湖廣兵協勦明
年八月先以貴州兵擣砲木砦阿革就禽已而川湖
兵至直抵山下山壁立惟五小徑逶迤而上賊皆樹
柵力拒仰攻不能克乃製戰樓高與崖齊乘夜雨急
昇樓附崖齊登斬關拔柵焚其廬舍賊奔後山據絕

頂守益堅文盛乃遣使前山招賊諭令歸化使命往
返故延久賊皆聚前山觀而山後故有藤木可懸梯
繩上官軍乘間潛登賊大潰禽阿旁餘賊盡平遂移
師討龍頭都黎都蘭都蓬密西大支馬羅諸砦黑苗
皆平之先後俘斬及撫降無算錄功增俸一等廕子
錦衣世百戶力辭免亡部賊陳聰等爲亂檄按察使
林茂達等討破之賜勅獎厲四川土舍重安馮綸與
凱里楊弘有怨弘卒倫糾諸苗攻之更相讐殺侵軼
貴州境文盛遣叅議蔡潮馳詣播州督宣慰楊斌撫
定之請復設安寧宣撫司以弘子襲而錄潮功兵部

尚書王瓊惡文盛絀其議反以專擅爲潮罪叙賚不及十四年改涖南京都察院世宗即位入爲戶部左右侍郎嘉靖二年遷南京右都御史改南京戶部尚書六年戶部尚書秦金罷召文盛代之首疏鹽政錢法十一事馬房芻豆多爲主者破冒請遣官稽覈宿弊爲清中官請造王府金冊金帶需金四千五百兩文盛言冊封歲舉而歲例進金不過二千兩驟增其倍費將安出况用金多寡不可知乞勅司禮監督所司歲終勘報毋致糜耗詔可文盛爲人廉謹敦樸內持風節而外趯趯若無能一時大臣中與孫交秦金

趙璜咸稱長者在戶部歲餘以年至再疏乞歸久之卒贈太子少保諡莊簡

劉麟字元瑞本安仁人世爲南京廣洋衛副千戶因家焉麟續學能文與顧璘徐禎卿稱江東三才子弘治九年甫登進士適言官龐泮等六十二人言事下獄麟偕同年生陸崑抗疏論救除刑部主事進員外郎錄囚畿內平反三百九十餘人正德初進郎中出爲紹興知府劉瑾銜麟除官不謁謝甫五月據前錄囚細故罷爲民士民醵金爲贐麟曰昔漢守劉寵一錢茲何多耶麾之去士民爲建小劉祠以配寵湖州

人吳琬施侃高其風相與迎之遂偕孫一元龍霓爲
湖南五隱將終身焉會瑾誅起補西安政尚簡靜遭
父憂巡撫都御史藍章知其貧令諸司助道里資悉
却不受樂吳興山水奉父柩塋焉自是遂定居湖州
起陝西左叅政督糧儲時歲饑邊警狎至朝命都御
史鄧璋往督師衆議加賦充餉麟爭曰靖邊本以爲
民今若此內難可慮也主者變色曰憂民者獨叅政
耶會陝民詣闕陳懇議得寢尋遷雲南按察使謝病
歸嘉靖初召拜太僕卿未幾進右副都御史巡撫保
定六府中官耿忠守備紫荆多縱麟劾奏之后父陳

萬言乞武清東安二縣地詔給七百五十頃麟與御史任洛爭之不納天津三衛屯田舊止千餘頃後增至五倍而田多斥鹵不能輸課麟請盡蠲之河間三衛軍饑月餉積十餘年不給乃奏先給庫儲三萬兩續徵民間通課以償皆報可因諭戶部中外軍餉未給者悉補給之尋上邊計四事再引疾歸六年起大理卿拜工部尚書卽官怠職者簡而去之屬吏咸得人上直侍衛軍舊制無歲給衣履至是錦衣帥駱安援紅盔軍例請給麟執不可詔量給銀聽自製後五歲一給以爲常易州山廠工部堂上官董之麟請易

以司屬四方工匠率冒替且多道亡麟言徒累民間
無益請令月徵銀六錢輸京師催募帝並從焉時帝
方勵精求治勅諸曹條舉積弊而工部四司所用財
物舊悉貯後堂大庫司官自行出納易爲侵漁麟請
特除一卽官主之月上其籍於提督侍郎歲終類奏
使判案者不預出納典庫者不預派徵以杜息奸弊
帝稱善因賜名節慎庫已又上節財十四事於是內
府諸監局冒破金錢減汰什四五而中貴失利者大
恨之及顯陵工竣諸執役者咸覲得官麟又止擬賞
賚羣小愈怨會帝納諫官言停中外雜派工役麟移

牒停浙江蘇松織造而上供袍服亦在停中中官吳
勲言袍服非雜派比帝責麟對狀麟引罪羣小從而
擠之遂令致仕久之顯陵殿閣雨漏追論麟坐落職
麟清修直節當官不撓居工部爲天子惜財謹費僅
踰年而罷士類悵惋既退卜築郊外之南垣蕭然一
室賦詩自娛知府見其居隘爲築一臺縣又爲構堂
始有息游之所無故不詣城市家居三十餘年名愈
重廷臣頻有論薦麟若弗聞也尚書李默嘗造訪麟
觴之峴山下無宿具以乳羊博市沽風雨瀟瀟欣
然達旦晚好樓居而力不能構乃絙懸籃輿於梁曲

卧其中使人輓之而上以恣覽眺名曰神樓其友文徵明繪神樓圖遺之年八十七卒贈太子少保諡清惠

梁材字大用南京金吾右衛人弘治十二年進士授德清知縣勤敏有異政正德初遷刑部主事改御史出爲嘉興知府未幾調杭州杭屬諸縣田租科例不一夙爲弊藪材酌輕重立畫一之法民甚德之遷浙江右叅政預平孝豐劇賊湯毛九進按察使鎮守中官畢真與寧王宸濠通將舉城應之材預知其謀與巡按御史張縉等嚴爲之備真不敢發乃偕三司往

劫真折以大義奪其兵衛城中遂安尋以憂去嘉靖
初起補雲南有土官相讐殺累年不解巡按御史以
屬材材召其酋至諭以罪當死令姑貰若以牛羊贖
酋皆聽命御史訝其輕材曰如是足矣急之變生後
訶諸酋果東甲待變既聞無他迺止歷貴州廣東左
右布政使廣東地饒富仕者多侈靡相尚材獨布衣
糲食用節儉先僚佐一日見全官林富家市肉多召
其家人誠約之富怒短衣科頭詬詈而出材若不聞
坐治簿書自如富乃慚謝凡吏民輸課令自操權衡
吏不得預時天下布政稱極廉者二人材與姚鏌也

六年拜右副都御史巡撫江西甫兩月召爲刑部左侍郎明年改戶部遂代鄒文盛爲尚書材爲人精練有執其自外僚登六卿不滿二載自以受恩殊特益思盡職答國恩八年春上言臣考去年所入止百三十萬兩而所出之數乃至二百四十萬加以催徵不前邊費無節一遇凶荒又紛紛奏免國計安所倚辦臣等詳究弊端盖有五馬一宗藩二武職三冗食四冗費五逋負乞集廷臣多方計畫一一分條上請務令公私有備經久可行於是宗藩武職各議上三事其他皆嚴爲之節帝悉報從惟武職閒住者議停半

俸帝以爲疑材等言彼以有罪罷廢既無差操之勤
又無軍政之責優游自便鋒鏑不交乃獲支全俸與
在任者不異臣等竊謂非宜帝竟不納然自是經費
大省國用亦遂充焉中官麥福請盡徵牧馬草場租
材言草場舊額二萬四千餘頃後遣官清核以八千
畝歸御馬監以四十萬畝備芻牧而賦民爲田者千
九百餘頃制已定矣福所請不可許從之侍郎王軌
清勲戚莊田言宜量其等級限田予之材奏成周班
祿而有土田蓋祿由田出也非於常祿之外復有土
田之頒今勲戚崇爵厚祿已踰涯分而陳乞土田動

以千萬殊非祖制請申明舊章禁不得妄乞自特賜
外其世遠秩降或非適裔相承者量存三之一以供
祀事餘悉入官帝得疏褒納命并清核已賜者額外
侵據悉還之民於是積患稍除勢豪家不敢妄請乞
如先朝矣時黔國公沐紹勛莊田在雲南者亦在核
中紹勛獨上章祈免帝許之材執不可帝曰朕念紹
勛守邊故特推恩非有他也材乃奉命先是畿輔屯
田遣御史督理自正統間易以僉事屯政日弛材言
僉事權輕力不能抗勢要請仍用御史三歲一更報
可御史郭弘化言天下土田視國初減半宜通行清

丈材以遍度天下之田恐致紛擾請但勅所司清釐
有冊籍難稽者始履畝而丈經界既明因以均平賦
役諸飛詭爲奸利者許自首免其罪帝悉可之材掌
邦賦守章程慎出納部政肅然十年秋母喪去服除
召起故官大同巡撫樊繼祖以寇警請益軍餉材言
大同歲餉七十七萬有奇例外解發又復累萬以今
較昔不啻數倍日益月增安知紀極臣恐太倉之銀
不足供大同一鎮無論九邊也繼祖數請不得議開
事例下戶兵二部乃從繼祖後議而餉終不增時修
建兩宮七陵郭勛以京軍七萬人應役因請給月糧

冬衣材言此非故事若如所請當歲費銀四十五萬
非太倉所能供也且冬衣例當取之內庫非臣部事
勛怒劾材委責誤公帝方眷勛詰責材竟如勛奏勛
復建言三事請開礦助工餘鹽盡輸邊漕卒得携貨
物章下材議材又不盡行勛益怒材初爲戶部值帝
勤政力祛宿弊又知材賢推心委任故言每見從及
是時勢稍異材又屢忤權倖不得志乃乞改南爲給
事中周琬所劾事下吏部尚書許讚等請留之帝不
悅令與材俱對狀材引罪得宥而讚等坐奪俸材自
是失帝意至十七年考尚書六年滿遂令致仕初徽

王有莊田在鹿邑其守莊者與佃人構訟材請革守
莊者令有司徵租納之王詔已報可王奏以爲不便
帝又從之時材已去位侍郎唐胄等執初詔帝大怒
并責材令以右侍郎閒住而奪胄俸下郎官詔獄明
年戶部尚書李廷相罷帝念材廉勤可用大臣亦多
推轂者乃召復故官加太子少保材至是三掌國計
砥節首公如一日帝亦眷顧甚厚其秋考察京官特
命材往監之有大獄不能決又命兼掌刑部事皆稱
旨帝歎曰安得尚書如材者十二人吾無憂天下矣
時大工頻興役外衛班軍四萬六千人而軍多不至

郭勛督諸工籍不至者責輸銀雇役謂之包工廩食視班軍前者廷相嘗量給之材堅持不予勛怒劾材帝命材補給勛又以軍不足籍逃亡軍布棉折餉銀募工充役材言今京班軍四萬餘人已自足用不宜藉口雇募濫耗國儲帝從其奏兵部即按籍遣之勛益怒遂劾材變亂舊章侵牟職掌先是醮壇湏龍涎香命購之材不以時進帝銜之及是入勛言遂責材沽名誤事落職閒住歸旋卒年七十一隆慶初贈太子太保諡端肅材器弘守貞具經國畧朝野皆知爲偉人其再遷戶部也都城乞子相謂曰天眼開矣其

爲人愛信如此當嘉靖中歲俗多尚通大臣或阿上取寵而材獨屹然無撓以是終不見容自材去後神仙土木之事益繁居戶部者類皆委隨充位而國用大窘世宗乃歎曰今梁材在當不至此

蔣瑤字粹卿歸安人弘治十二年進士授行人正德時歷兩京御史嘗陳時弊七事中言內府軍器局舊設軍匠六千人中官監督者二人而已今增至六千餘人人占軍將三十統計之則二千矣舉一局而他局可知行伍安得不耗又近年傳奉冗官及濫收校尉勇士不可悉數月費金錢何止鉅萬並宜嚴行釐

華時劉瑾雖誅政權猶在宦豎見疏不悅及所司議上如瑤指遂見詰責且言自今建議有煩擾如瑤者毋覆奏制下舉朝駭異瑤尋出爲荊州知府有善政嘗築黃潭隄捍水民享其利調揚州歲饑請漕米萬石賑之存活甚衆武宗南巡有司皆賦民錢治供張厚賂諸嬖幸所在大擾瑤聞之慨然曰股民以媚上吾有死而已不忍爲也中官吳經先馳至揚州擇民居壯麗者改爲提督府將奉帝駐蹕焉矯旨大索嫠婦處女民情惶急一夕女皆嫁乘夜爭出城逃匿不可禁瑤詣經祈免經大怒叱曰爾敢拒勅旨欲斫頭

耶瑤徐曰小臣逆上旨罪當死但此朝廷赤子今洵
洵如此倘激生他變獨不累太監耶經怒不解揮使
去而密遣人蹤跡寡婦及娼家夜半忽傳駕至閉城
門令通衢燃炬光如白晝遍入諸家捽諸婦以去有
匿者破垣毀屋必得乃已哭聲震遠近尋閉諸婦尼
寺有二人憤恚不食死瑤爲棺斂之既諸家以金贖
乃得歸其貧者悉入提督府比駕至諸嬖幸叫跳作
聲勢瑤供御取具而已無所贈遺諸嬖幸皆怒江彬
欲奪富民薩氏居爲威武副將軍府瑤執不可彬益
怒乃閉瑤空舍中重挫辱之脅以帝所賜銅爪瑤卒

無所懾彬恚甚必欲窘以事會帝漁於河獲一巨魚
戲言此直五百金彬即以畀瑤責其直瑤懷其妻簪
珥袿服以進曰庫藏無錢臣家所有惟此耳帝笑而
遣之府故有瓊花觀一日詔取瓊花瑤言自宋徽欽
北狩此花已絕今無以奉獻又嘗傳旨有所徵求皆
殊方異物宣索甚急瑤具對某物來自某邦某物出
某地皆非揚產帝亦不怒但詰之曰苧白布亦非揚
產耶瑤不得已爲獻五百疋當是時權幸以揚土繁
華要求無所不至徵瑤民且重困暨駕旋令瑤扈從
至寶應中官丘得索貢物不獲用鐵絙繫瑤數日始

釋竟危至臨清而返揚人見瑤無不感泣迨遷陝西
叅政爭出貲建祠以祀瑤名亦自此大震頗有遷擢
嘉靖初歷湖廣江西左右布政使四年以右副都御
史巡撫河南七年春帝命大臣桂萼等覈天下巡撫
官去留令瑤還籍候調已累遷工部尚書十年四郊
工竣加太子少保未幾西苑宮殿成帝爲置宴見瑤
與刑部王時中席在殿外命移之殿內禮官言地隘
不能容帝曰皇親可移殿右禮官又以國戚請帝曰
親親何如尊賢竟移之是時土木繁興歲費以數百
萬計瑤規畫咸稱帝意數有賚予以憂去十七年自

南京工部尚書召改北部帝幸承天瑤扈從先是京師營建率役京軍例無雇夫至是大工頻仍歲募民充役費至二百餘萬瑤以爲言因請停工役不急者帝然之切責監工諸臣急緩而令瑤會戶兵二部協議於是豪家所匿軍士畢出赴工募直大減以老致仕去瑤爲人端亮清介遇事確然不可奪既歸僻處陋巷雖田夫野老亦與之狎時尚書劉麟顧應祥輩咸里居與瑤結文酒社徜徉峴山間年幾九十而卒贈太子太保諡恭靖

王廷相字子衡儀封人幼嗜學有文名登弘治十五

年進士選庶吉士授兵科給事中嘗上疏陳時政謂
今天下大可憂者在於民窮財殫勢漸不可爲而揆
其致此之由則風俗太奢而莫之制名器太濫而莫
之坊賦歛太繁而莫之恤酒禁太弛而莫之節也孝
宗嘉納之尋以憂去正德初劉瑾擅權政令苛峻廷
相服闋至京追論丁憂時未領勘合謫亳州判官量
移高淳知縣四年召爲御史出捕盜賊以所部盜未
滅被劾停俸已而復之六年憂疏言今大盜四起雖
遣將出師而未能清蕩者將權輕而不能禦敵兵機
疎而不能扼險也臣聞盜賊所至鄉民莫不牛酒奉

迎甚者爲之効力彼豈心所願哉爲從之則生不從則死也盜有生殺之權而我之將帥反無之故兵不用命遇敵輒退誠假以便宜退却者必斬彼三軍之士孰不奮鬪哉至於河南地勢平曠賊易奔而難制乃山西地皆險阻亦縱其深入者由將帥不得人也若陳兵黃河之津使不得西分兵扼井陘天井使不得東而主將以大軍蹙之則賊進退皆窮可不戰禽矣奏入帝切責總督諸臣悉從其議已出按陝西鎮守中官廖堂貪恣甚廷相裁之堂怒會洛川民邵進祿謀亂事覺首於官廷相賞之堂遂誣廷相縱賊時

廷相已改督京畿學校乃逮繫詔獄謫贛榆縣丞屢
遷四川僉事山東副使皆提調學校嘉靖二年舉治
行卓異再遷山東右布政使六年以右副都御史巡
撫四川討平芒部賊沙保尋召理院事歷兵部左右
侍郎以擲奏誅沙保不實引罪帝釋不問九年遷南
京兵部尚書叅贊機務初有詔省南京進貢快船而
守備太監賴義復請增益廷相言內臣輸貢莫辨品
物多寡故易以欺隱自今請給物重輕以定撥船之
數奸弊自無所容且守備諸司所進食物乃宣德以
後傳旨取用皆非祖制可減者多他若龍衣綵錦朱

盤銅器之類既有他司營造亦宜裁省帝深納之時
龍江大勝新江浦子江淮五開守臣以稽察爲名遣
官權利行旅苦之而安慶九江諸處每春秋閱視軍
士市權索賂大爲民擾皆以廷相言禁革南京草場
蘆洲課銀率爲守備中官楊奇卜春魏國公徐鵬舉
所侵蝕廷相請按治帝爲逮問奇春而奪鵬舉祿三
月由是諸司悚息毋敢撓法十一年入爲左都御史
請以六條考察差還御史帝善之令疏其所未盡者
編之憲綱乃取張孚敬汪鏌所奏列及新所定凡十
五事以進帝悉允行既而疏言南京守備事權太重

不宜令魏國世官以銷尾大之患會給事中曹忭亦
以爲言遂解鵬舉兵柄十三年詔加兵部尚書兼前
官提督團營仍理院事兩考滿加太子少保畿民孫
紀盜伐天壽山陵樹巡按御史楊紹芳上其獄比盜
大祀神御物律斬廷相駁之謂大祀神御物者指神
御在內祭器帷帳之物而言山陵樹木較之有間故
律文盜陵木者止杖一百徒三年今舍其本律而比
擬前條非刑之平也議上忭旨罰俸一月十八年帝
將幸承天大臣多諫帝不納廷相復抗疏以聖躬暴
露爲憂冀以感悟帝會帝意已決不能用扈從還以

九年滿加太子太保是時雷震奉先殿兩京大臣奉
詔自陳廷相言人事修而後天道順大臣法而後小
臣廉臣觀今日士風臣節知災譴之由來矣大抵廉
隅不立賄賂盛行一得任事之權即作營私之計其
在先朝豈必人皆夷惠然昔猶暮夜之私而今則白
晝之攫士風臣節至此真可痛也夫大臣污濁則小
臣悉倣倣矣京官貪肆則外官無畏憚矣由今之道
無變今之俗召亂致危且將不遠可不爲寒心哉臣
職憲紀不能使弊絕風清乞亟賜罷斥是時尚書嚴
嵩張瓚輩黷貨無厭故廷相切刺之帝但諭留而已

不能詰其所指也二十年九廟災下詔修省因勅廷
相曰御史巡方其職甚重卿總憲有年自入臺定六
條後不聞考黜一人豈果無不肖者朕竊怪之自今
宜痛自修省毋替乃職廷相惶恐疏謝廷相立朝號
能持正遇事果敢帝亦知之以故掌內臺最久至其
督團營也與武定侯郭勛共事勛恃寵而驕專恣自
用廷相逡巡其間於營務亦不能有所振飭會給事
中李鳳來等論權貴侵奪民利章下都察院廷相方
檄五城御史覈實遲至四十餘日未報給事中章允
賢遂劾廷相徇私慢上帝方詰責而廷相以御史所

覈奏聞惟郭勛侵奪最多帝令勛自奏於是劾勛者
羣起而勛復以領勅稽留觸帝怒下獄責廷相同領
營務朋比阿黨斥爲民越三年卒廷相博學好論議
以經術稱於星曆輿圖樂律河圖雒書及周邵程張
之書皆有所論駁自謂不蹈襲前人然其說頗不免
乖僻隆慶初復官贈少保謚肅敏

論曰嘉靖初政治清明六卿各盡其職諸所爭執帝
亦虛心採納故自弘治而後號爲極盛若秦金以下
皆老成魁壘之彥其行事班班可紀也而梁材尤卓
爾稱宰相器矣自茲以往奸輔弄權政歸內閣長六

曹者皆闡葺具位唯所願指帝亦深居禱祀不復以
天下爲念矣治忽之際可勝嘆哉